

2024-2028

# Nuna tamakkerlugu digitalinngortitsinermut periusissiaq



Digitalinngortitsinermut  
Aqutsisoqarfik



# Siulequt

Allanngortitsiniarutta tamatta allanngorusussuseqartariaqarpugut. Nuna tamakkerlugu allanngortitsineq aatsaat iluatsissinnaavoq uagut inuit periutsitsinnik allanngortitsinnaagutta. Kiisalu inuiaqatigiittut periutsit nutaat tikilluaqqunerisigut, ataatsimoorluta ikioqatigiilluta tapersersoqatigiikkutta, periutsit kigaatsut 'pissusitoqqallu' qimakkiartuaarsinnaavagut.

Digitalimik allannguiniarnerput digitalinngortitsinissarmuinnaq attuumassuteqassanngilaq. Siunertaqartariaqarpoq, siunertaqarporlu.

Kalaallit Nunaat isorartoorujussuuvoq avinngarusimasunillu inoqarfippassuaqarpoq, digitaliseriinerullu ataatsimooruilissavaatigut angerlarsimaffigullu avammut attaveqalersillugit.

Digitalinngortitsineq aqqutigalugu innuttaasut suliffeqarfiillu sukkanerusumik pisariinnerusumillu attaveqarsinnaanngussapput, soorlu Kalaallit Nunaata iluani pisorta qarfiit akornanni attaveqatigiinneq sukkanerulerlunilu suleqatigiinneq pisariinnerulersinnaasoq.

Naalakkersuisut anguniagaraat nunatta ammasumik aqunneqarnissaa, tamannalu digitalinngortitsinermi pisorta qarfinni ingerlatseriaatsip ersarinnerulernissaata angunianeratigut tunngavilersorneqarpoq. Taamaasiornikkullu pisorta qarfiit assigiinngitsut akornanni suleqatigiinnerup pitsanngorsarneqarsinnaanera aqqutissiuunneqarluni.

Pitsanngorsaanermi uani pineqartumi, Naalakkersuisut anguniagaasa ilagivaat digitalimik ingerlanissaq. Anguniagaat tassaavoq allaffissornerup pisariinnerulernissaa, innuttaasunut assigiiaarnerusumik paasinarnerusumillu sulianik ingerlatseriaaseqarnissaq.

Ullutsinni nutaanik ineriartortitsinerit amerlasuut silassorissuusiamit pilersinneqartarput. Inuiaqatigiinni digitaliseringip sungiukkiartulernera ilutigalugu, allanngoriartornerup nutaanillu ilisimasaqalernerup, ammaappaa nunatsinni paasissutissat pissarsiariuminari pitsanngorsaavigineqariaannaanerilu pissutaallutik. Taamatuttaaq digitalinngortitsineq aqqutigalugu allanngortitsinerput ineriartorsinnaanissatsinnut aqqutissiuussisuuvoq. Isummanik nutaanik ineriartortitsinissarput siunniullugu sulisinnaanerussagata.

Digitalikkut allanngortitsivinneq tassaavoq nutaamik eqqarsarneq, inuiaqatigiittullu naleqarsitsiniarutta periutsinik nutaanik nassaartornermik pilersitsinnaasariaqarpugut. Digitalikkut allanngortitsineq iluatsissagutsigu, tamanik peqataatitsilerneq angusariaqarparput.

Inuiaqatigiit digitalikkut allanngortinneqarnerat pisorta qarfinnut, namminersorlutik inuussutissarsiortunut kiisalu innuttaasunut nutaanik piumasaqaateqalersitsivoq. Tamannalu aatsaat iluatsissaaq ulloq taanna innuttaasut, suliffeqarfiit, Kalaallit Nunaannilu pisorta qarfiit 'digitalimik ingerlatsinissaq siulliullugu' eqqarsaatigisalerpassuk aammalu digitalimik atuinerminni sillimaniarneq qaffasissaq atugarilerpassuk.

Anguniagaq ataatsimoorluta anguniassavarput – ataatsimoorluta anguniagaq angussallutigu.



# Imarisaa

|                                                                                    |           |
|------------------------------------------------------------------------------------|-----------|
| AALLAQQAASIUT                                                                      | 04        |
| <b>SAMMISAQ 1: DIGITALINNGORTITSINERMI TUNNGAVISSAQ</b>                            | <b>07</b> |
| INUIT PILLUGIT PAASISSUTISSAT PILLUGIT INATSISIT EU-MI INUIT PILLUGIT              |           |
| PAASISSUTISSANUT PEQUUSSUMMI PIUMASAQAATAASUT ASSINGAT                             | 07        |
| INUIAQATIGIINNI PISORTAQARFIIT SULIFFEQARFIILLU PISARIAQAVISSUT CYBERIMI           |           |
| SILLIMANIARNISSAAT PILLUGU QULAKKEERINNINNISSAQ PILLUGU INATSISARTUT               |           |
| INATSISISSAANNIK ATUUTILERSITSINEQ                                                 | 08        |
| PISORTAQARFINNI ATAATSIMUT DIGITALIMIK AAQQUSSUUSINEQ                              | 08        |
| DIGITALINNGORTITSINERUP ILUANI ATAATSIMUT PISORTAQARFINNI AQUTSINEQ                | 11        |
| IT-QARNERMI ISUMAQATIGIISUTEQARNISSAMUT SKABELONIT AALAJANGERSIMASUT               | 11        |
| DIGITALINNGORTITSINISSAMUT INATSISILIORNISSAQ                                      | 12        |
| PISORTAQARFINNI DIGITALIMIK PIGINNAASANIK PITSANNGORSAANEQ                         | 13        |
| <b>SAMMISAQ 2: PAASISSUTISSANUT NITTARTAKKATIGULLU SILLIMANIARNISSAQ PITSAANEQ</b> | <b>16</b> |
| PAASISSUTISSANIK NITTARTAKKATIGULLU SILLIMANIARNEQ AQUTSISUT OQALUUSERISASSAANNI   | 16        |
| PAASITITSINIAANEQ   INNUTTAASUNUT PAASITITSINIAANEQ                                | 17        |
| PAASISSUTISSANUT NITTARTAKKATIGULLU SILLIMANIARNEQ NUNA TAMAKKERLUGU               |           |
| UKKATARINEQARNISSAA                                                                | 19        |
| <b>SAMMISAQ 3: SILASSORISSUUTITAG AAMMA PAASISSUTISSAT</b>                         | <b>20</b> |
| KALAALLIT NUNAANNI PAASISSUTISSANUT PERIUSISSIAQ                                   | 20        |
| PISORTAQARFINNI SILASSORISSUUTITAT                                                 | 22        |
| TUNNGAVIUSUMIK PAASISSUTISSANUT PROGRAMMI                                          | 23        |
| <b>SAMMISAQ 4: SULLISSIVIK.GL</b>                                                  | <b>24</b> |
| ATUISUT INGERLAARFISSAAT                                                           | 24        |
| UANGA QUPPERNERA - INNUTTAASOQ AAMMALU UANGA QUPPERNERA APPINNGORLUGU              | 24        |
| UANGA SULIFFEQARFIUTIGA                                                            | 25        |
| <b>SAMMISAQ 5: DIGITALIMIK PEQATAATITSINEQ</b>                                     | <b>27</b> |
| DIGITALIMIK PEQATAATITSINEQ                                                        | 27        |
| NITTARTAGAQ ISERFIGINEQARIAANNAASOQ                                                | 28        |
| ANGUNIARNEQARTUT ATAATSIMUT NALUNAARSORSIMAFFIAT                                   | 29        |
| DIGITALINNGORTITSINEQ EQQARSAATIGALUGU KIKKUT SUNIK SULIAQASSAPPAT?                | 45        |

# Aallaqqaasiut

Digitalinngortitsinermut periusissiami matumani Naalakkersuisunit tunngaviusumik immikkoortut tallimat saqqummiunneqarput:



Sammissat qulaani taakkartorneqartut ungasittumiittunik qanillisisinnaaneri kiisalu innuttaasut, pisorta qarfiit, suliffe qarfiillu imminnut qanillisinnaanerinut periarfissiineri pillugit toqqarneqarnikuupput, taamaallilunilu ilikkartissinnaavaatigut sillimaniarnermik ammanermillu pingaartitsinissatsinnut.

## Sammissaq 1: Digitalinngortitsinermi tunngavissaq

“Digitalinngortitsinermi tunngavissaq”-mi anguniarneqartut tassaapput suleriutsit kiffartuussissutillu pitsaasumik atorluarsinnaasunillu digitaliseernerneqarnissaat, aammalu pisorta qarfinni assigiimmik digitalimik atuinerup siuarsarneqarneratigut ingerlatsinerit pisariillisarneqarnissaat. Tamassumalu peqatigisaanik ersarissumik suliaqarnikkut ersarissumillu aqutsisoqarneratigut, digitalinngortitsinermi aporfiusinnaasut suussusersinerisigut piffissaatillugu iliuuseqarfigineqartassapput.

## Sammissaq 2: Paasissutissanut nittartakkatigullu sillimaniarnissaq pitsaaneq

Kalaallit Nunaat nunarsuarmi ataqatigiinnermut aaqqissuussinermi atortulersugaavoq. Geopolitiskimik soqutigisat inissisimaffiillu soqutigineqarnera eqqarsaatigalugu Kalaallit Nunaanni nittartakkatigut sillimaniarneq pitsanngorsarniarlugu iliuuseqartoqartariaqarpoq – taamaattumik “Paasissutissanut nittartakkatigullu sillimaniarnissaq pitsaaneq” digitalinngortitsinermut periusissiami matumani sammeneqarpoq.

Paasissutissanut nittartakkatigullu sillimaniarneq teknikkikkut systemip digitaliusup illersorneqarnissaanut taamaallaat tunnganngilaq – innuttaasut illersorneqarnissaat pineqarpoq. Naalakkersuisunit pingaaruteqartorujussuuvog qulakkiissallugu Kalaallit Nunaanni innuttaasut ulluinnarni digitalikkut qanoq isumannaaatsumik periuseqarnissartik ilisimasaqarfigissagaat – aammalu pisorta qarfiit namminersortullu ilisimasariaqarpaat nittartakkatigut saassunneqarsinnaanermut qanoq imminnut illersornerusinnaanertik.



### **Sammissaq 3: Silassorissuusiaq aamma paasissutissat**

Paasissutissat (data) siunissami aaqqiissuussinerni suliffeqarfinnilu ingerlatsinernut isumalluutaalertussaapput, paasissutissat (data) oqaluttuussinnaammatigut innuttaasunut aalajangiisartut, atuisullu iliuuserisartagaat pissusaallu pillugit ilisimasaqartitsisinnaagamik. Silassorissuusiaq imaluunniit silassorissuusiamik pilersitsisartut atorlugit suliffeqarfiit eqqarsarluarnerusumik pitsaanerusumillu ingerlanneqarsinnaapput. Taamaaliortoqarsinnaassappat paasissutissat (data) atorlugit silassorissuusiaq sungiusarneqartariaqarpoq.

Naalakkersuisunit inuiaqatigiinni ammanerunissaq anguniarneqarpoq, taamaasilluni innuttaasut kikkulluunniit sumiluunniit najugaqaralarunik pisortaqaqfinnut attaveqarsinnaajuaannarlutik. Tamannalu anguniagaq assigiissaaraluni siunertalimmik ineriartortitsilluni digitaliseeriinikkut kiisalu paasissutissanik (data) atuinikkut anguneqarsinnaavoq.

### **Sammissaq 4: Sullissivik.gl**

Pisortaqaqfiit digitalikkut aaqqiissutai ataatsimoortillugit innuttaasunit suliffeqarfinniillu nanineqariaannaanerussammata sullissivik.gl-imut ilineqarnikuupput. Nittartagaq inuiaqatigiinnut pingaaruteqarluinnartoq tunngaviusumik digitalimik attaveqaataavoq, taamaattumillu innuttaasut suliffeqarfiilu digitalikkut ineriartorneri malinnaaffiginiarlugit ingerlaavartumik nutarterneqartartuartausaalluni.

Sullissivik.gl Kalaallit Nunaanni digitalikkut allanngortitsinermut pingaaruteqartorujussuavoq, taamaattumik "sullissivik.gl" nuna tamakkerlugu digitalinngortitsinermi periusissiani ilaajuaannarpoq.

### **Sammissaq 5: Digitalimik peqataatitsineq**

Digitalimik allanngortitsineq tunngavigalugu Kalaallit Nunaanni innuttaasut digitalikkut aaqqiissutini saqqummiiffigineqartuaannartussaapput, tamatumalu ilutigisaanik pisortaqaqfinni digitalikkut piginnaasaqarnissamut piumasaqaatit annertusigaluttuinnartussaallutik.

Kalaallit Nunaanni, Nunat avannarliit assigalugit, digitalikkut ineriartupiloornermi, innuttaasut digitalikkut aaqqiissutini atuisinnaangitsut ukkatarineqarneruleriartorput. Sammisarlu tamanna pingaartinneqartorujussuavoq, digitalikkut aaqqiissutini atuuttuni nutaanilu pilersitani peqataatitsineq ataqatigiissaarnerusumik ingerlanneqarnissaa qulakkearniarneqartussaammat.







Sammissaq 1

# Digitalinngortitsinermi tunngavissaq

Nunatsinni suliniutinut anguniakkanulluunniit ineriartortitsisoqarnerani ilaatigut ineriartortitsinissamut sinaakkutissat, ataatsimut malittarisassallu tamakkerlugit inissinneqanngikkaluartut, ineriartortitsineq ingerlanneqartarpoq.

Digitalinngortitsinerмик suliniuteqarnitsinni tamanna aamma nalaanneqarpoq. Taamaattumik Naalakkersuisunut pingaaruteqartorujussuuvoq pisortat suliffeqarfiutaanni suliaqarnermi periusitsinnik digitalinngortitsineq, aammalu suleriesitsinni pisariillisaanermi IT-qarnermi atortunik atuiniarnitsinni ataatsimoorluta digitalinngortitsinissatsinnut pitsaasumik atorineqarsinnaasumillu tunngavissinissaq.

Digitalinngortitsinermi tunngaviliinitsinni sinaakkusiaasimasup iluani suliaqarnissaq pingaaruteqartorujussuuvoq, tassani digitalikkut allanngortitsiniarnitsinni anguniakkagut ersarissassavagut aammalu digitalinngortitsinermi malittarisassat periarfissallu aqqusaarneqarsinnaasut ersarissassallutigut.

Allannguissatsinnut siunertaavoq digitalinngortitsinermi angusaqarfiusinnaasumik tunngavissaqarnissaq, tassani iluaqutaasinnaasut takusinnaasagut – anguniagarisarpullu ornissavarput ersarissumik periuseqarluta. Periarfissat suussusersisassavagut digitalinngortitsinitsinnilu ajornartorsiutaasinnaasut aamma iliuuseqarfigisassallutigut.

## **Paasissutissanik illersuinissap inatsisaa EU-mi paasissutissanik peqqussummi piumasaqaataasut assingat**

Maannamut isiginnittaaserineqartoq tassaavoq Kalaallit Nunaat nunaasoq EU-p isumaqatigiissuteqarfigisaata avataaniittoq sillimaniarnikkut qulakkeerneqarsinnaanngitsoq. Taamannak inissisimaneq Kalaallit Nunaanni suliffeqarfinnut pisortaqaarfinnullu paasissutissanik europami suleqatigisartakkanik pilersuisunilluunniit avitseqatigiinnissamik suliaqarniarnermi unammillernartunik kinguneqartitsisarpoq.

Taamaattumik Naalakkersuisunit pingaartinneqarpoq Kalaallit Nunaat nunaassasoq EU-p isumaqatigiissuteqarfigisaata avataaniittoq, digitaliseriinemik sillimaniarnikkut qulakkeerneqarsinnaasoq.

Taamaaliussagutta Kalaallit Nunaanni EU-mitut inuit paasissutissaataannut illersueriaasiat assigalugu ileqqoreqqusaat qaffasittariaqarpoq. Imaappoq Kalaallit Nunaanni inatsimmik EU-mi paasissutissanik peqqussummi piumasaqaataasut malittarisassarineqartut qaffaseqataannik sanasoqartariaqarpoq.

Inatsisit pineqartut periusissiap matuma anguniarneqarnerani naammassineqassapput.



#### ANGUNIARNEQARTOQ

1.a | Periusissiap matuma anguniarneqarnerani paasisutissanik peqqussummi piumasaqaataasut pillugit inatsisissatut siunnersuusiortoqassasoq.

#### **Inuiaqatigiinni pisorta qarfiit suliffe qarfiillu pisariaqavissut, cyberimi sillimaniarnissaat aammalu qulakkeerinninnissaq pillugu Inatsisartut inatsisissaannik atuutilersitsineq**

Naak Kalaallit Nunaanni kissaataagaluartoq issitto qarfimmi pissanganartorsiortoqassanngitsoq, Kalaallit Nunaanni qarasaasiatigut atortut nunanit allanit pinerlunnianillu saassunneqartarput. Taamaaliortoqarnera Kalaallit Nunaata geopolitiskimik inissisimanera peqqutaqaataavoq, ukiunilu makkunani Ukrainemi sorsunneq peqqutaalluni Kalaallit Nunaat ajorluartumik nittartakkatigut pinerliinianit saassunneqartarpoq.

Teknologip iluani ineriartorneq peqqutaalluni hackerit nittartakkatigut saassussisinnaanerata pisariilligaluttuinnarpoq. Saassusseriaatsit pisariilligaluttuinnartut naalagaaffinnit inunniillu pinerlunnianit pisarput. Assersuutigalugu silassorissuussiap ineriartortinnerata malitsigisaanik, maanna hackerit kalaallisut paasinartumik allallutik tiguaaniarsarisalernikuupput, naak namminneq kalaallisut paasisinnaanngikkaluarlutik.

Taamaattumik Naalakkersuisut pisorta qarfiit suliffe qarfiillu inuiaqatigiinnut pisariaqavissortut – aningaasaqarnermut inuiaqatigiinnullu pingaarutillit – cyberimi isumannaallisaanikkut pitsanngorsaavigineqarlutillu assigiissaarnerusumik periuseqalissasut kissaattigaat, Inatsisitigut sukaterinikkut pisorta qarfiit suliffe qarfiillu inuiaqatigiinnut pisariaqavissortut cyberimi sillimaniarneq eqqarsaatigalugu piumasaqarfigineqarsinnaalissapput iliuuseqarfigineqarsinnaalerlutillu.

#### ANGUNIARNEQARTOQ

1.b | Pisorta qarfiit suliffe qarfiillu inuiaqatigiinnut pisariaqavissortut cyberimi sillimaniarnermut piumasaqarfiginissaat pillugit inatsisissatut siunnersuummik suliaqarneq.

#### **Pisorta qarfinni Ataatsimut Digitalimik Aaqqissuussineq**

Pisorta qarfinni Ataatsimut Digitalimik Aaqqissuussinermik (PADA) suliassa qarfiup digitalimik ataqaatigiisumik ineriartortitsinissaq sinaakkusersussavaa.

Siornatigut pisorta qarfiit ataatsimut IT-qarnermi isumannaallisaanermut paasissutissanillu pisariitsunik, suleriutsinillu ataqatigiissaarisoqarsinnaanera pillugu ataqatigiissaarisoqarsimangilaq pilersaarusiortoqarsimananilu. Tamanna isumaqarpoq pisorta qarfinni IT-kkut atortut assigiinngitsut immikkoortorta qarfinni atugarineqartut, assigiinngitsumillu atorneqarmata aserfallatsaaliinissaq taakkuninnga akisoorujussuulluni.

Naalakkersuisunit kissaatigineqarpoq pisorta qarfinni digitalimik ataqatigiissaarisoqassasoq, taamaaliornikkut innuttaasut suliffeqarfiillu pisariitsunik, ataqatigiittumik paasinartumillu sullin neqalissapput – taakkualu inuiaqatigiinni nutaaliorsinnaaneq, pitsanngorsaasinnaaneq, ineriartorsinnaanerlu killilersuiffigissanngilaat.

Pisorta qarfinni ataatsimut digitalimik aaqqissuussisoqarneratigut anguniarneqarpoq qitiusumik allattoqarfik kommuunillu atortuinik suleqatigiilersitsinnaaneq. Suliassa qarfiit assigiinngitsut assersuutigalugu peqqissutsimut, isumaginninnermut, ilinniartitaanermut suliffissaqarnermullu attuumassusillit akimut IT-qarnermi atortui suleqatigiissinnaassasut.

Pisorta qarfinni ataatsimut digitalimik aaqqissuussisoqarneratigut assigiissaarineq pisariillisaanerlu anguniarneqarput. Pisorta qarfinni ataatsimut digitalimik aaqqissuussisoqarneratigut uku qulakkeerniarneqarput:

- pisorta qarfinni suliassamut aalajangersimasumut systemi ataasiinnaassasoq
- teknikkigitut IT-qarnermi aammalu digitalimik aaqqiissutini sillimaniarnermut piumasaqaatit assigiissasut
- paasissutissanut nalunaarsuiffiit systeminut allanulluunniit attuumassusilerneqaraluarpata, paasissutissat taamaallaat kalaallit Nunaannut attuumassutillit pissarsiarineqarsinnaassasut

Digitalinngortitsiner mi assigiissaarineq sipaaruteqarfiussaaq. Immikkut suliaqartitsineq annikinnerulerpat, systemit atornissaat aaqqiissutillu atuutsinneqalernissaat pisariinnerulissapput.

Pisorta qarfinni Ataatsimut Digitalimik Aaqqissuussisoqarnera 2022-mi aallartisarneqalerpoq, minnerpaamillu aaqqiissutissaq 2024-p aallartinnerani atulersimassalluni.

#### ANGUNIARNEQARTOQ

1.c | Kalaallit Nunaanni Pisorta qarfinni Ataatsimut Digitalimik Aaqqissuussinermi minnerpaaffissamik ineriartortitsisoqarnissaa atuutsitsisoqalernissaalu.







## **Digitalinngortitsinerup iluani ataatsimut pisorta qarfinni aqutsineq**

Kalaallit Nunaanni digitalikkut sillimaniarnerup pitsanngorsarneqarnissaanut angorusutat suliniutillu pisorta qarfinni assigiinngitsuni anguniagaareerpoq.

Pisorta qarfinni angorusutat suliniutigisallu anguniarlugit sulisussat digitalinngortitsinermut tunngassutilimmik suliniuteqartut ikippallaarnerat peqqutaalluni unammillernartoaqarpoq.

Sulisussanik amigaateqarneq piginnaasanik amigaateqarnermik kinguneqartarpoq. Atorfinni pingaarutilinni sulisut annertuumik taarseraannerat suliassallu annertunerisa kingunerisaannik digitalinngortitsinerup iluani suliniutinik ineriartorteqqitassanillu ingerlatsiniarneq maannamut unammillernartortaqaqarpoq.

Digitalimik allannguneq qulakkeerniarlugu Naalakkersuisut pisorta qarfiit akimorlugit aqutsinikkut aaqqissuusereusupput, tassani digitalinngortitsineq qitiutinneqassaaq, qulakkeerniarneqassallunilu sulianik ingerlatseriaaseq suleriutsillu assigiimmik suliarineqartalernissaat. Uani piginnaanilinnik atorfinitsitsiniarneq aammalu ineriartortitsinermut ingerlatsinermullu aningaasartuutit aamma eqqarsaatigineqarput.

Tamanna isumaqarpoq Kalaallit Nunaanni tunngaviusumik pitsaasumillu aqutseriaaseqalernissamut suleqatigiinnissamullu tunngavissiniarluta misissuisariaqartugut. Aqutseriaasissaq suleqatigeeriaasissarlu pisorta qarfinnit tamanit tapersersorneqassaaq aammalu Naalakkersuisunit kommunalbestyrelsinillu akuerineqassalluni.

### **ANGUNIARNEQARTOQ**

1.d | Kalaallit Nunaanni misissuineq tunngavigalugu aqutseriaasissamik suleqatigeeriaasissamillu pitsaasumik pilersitsineq.

## **IT-qarnermi isumaqatigiissuteqarnissamut skabelonit aalajangersimasut**

Suliffeqarfiit pisorta qarfiillu ukiumut IT-qarnermut aalajangersimasumik pisiniarnissamut, ineriartortitsinissamut ingerlatsinissamullu aningaasaliisarput, tassami ullutsinni inuiaqatigiinni pitsaasumik sukkasuumillu IT-qarneq ingerlalluartaq innuttaasunut sullissinissamut kiffartuussinissamullu pisariaqartinneqarpoq.

IT-qarnermut atortunik pisiniarnermut atuiniarnermullu aningaasartuutit qaffasinneri, kiffartuussinissamullu pingaassusaa ajutooraluarpallu kingunerluutaasinnaaneri annertusinnaaneri peqqutaallutik isumaqatigiissusiornissamut naatsorsuutigineqarsinnaasut suunersut ersarissarneqartariaqarput.

IT-qarnermi pilersuisinnaasut ilaatigut paasiuminaassinnaasarput, taamaattumik pilersuisut suut suliarissaneraat ilaatigut aalajangeruminaattarpoq, soorlu aamma pisisut piffissap ingerlanerani pisariaqartitai allanngorsinnaasut. Tamanna peqqutaalluni isumaqatigiissusiornissamut piumasaqaatit annertooujussuupput, tassanilu suleqatigiit kiffartuussissutissat piumasaqataallu aalajangersorsimasarput.

IT-qarnermi isumaqatigiissuteqarnissamut aalajangersimasunik skabeloneqalerpat ilitersuusiortoqarpallu, pisorta qarfiit suliffeqarfiillu isumaqatigiissutinik takuneqarsinnaasunik peqalissapput. Taakkualu atorlugit pisorta qarfiit suliffeqarfiillu IT-qarnermi suliniutinut paasiuminaassinnaasunut tunngavissaqalissapput.

Naalakkersuisut kissaatigaat IT-qarnermi isumaqatigiissutitigut naatsorsuuteqarsinnaanerup pilersinneratigut innuttaasut suliffeqarfiillu qularnaatsumik patajaatsumillu kiffartuunneqarsinnaalissasut

#### ANGUNIARNEQARTOQ

1.e | IT-qarnermi isumaqatigiissutinut skabelonit aalajangersimasut ilitersuutillo.

1.f | Pisorta qarfinni aqutsisunut IT-qarnermi isumaqatigiissusiornissamut pikkorissarneqarnissaannik pilersitsineq.

#### Digitalinngortitsinissamut inatsisiliornissaq

Naalakkersuisut kissaatigaat digitalinngortitsinissamut inatsisiliortoqarnissaa, taassuma siunertaraa pisorta qarfinni atorneqartut atuisunut pisariinnerulernissaat, iserfigineqariaannaanissaat paasiuminarnissaallu. Tassunga atatillugu pingaaruteqarpoq IT-qarnermi inatsisitigut ajornartorsiutaasut inatsisiliornermi eqqarsaatigineqarnissaat.

Pisortat ingerlatsinerisa digitaliseererneqarneri peqqutaallutik nutaamik inatsisiliortoqartariaqarpoq.

Tassani digitalinngortitsinissamut inatsisiliortoqartariaqarpoq, pisorta qarfinni ingerlatsineq ataqaatigiissoq isiginiarneqassaaq qulakkeerneqassallunilu nukissat innuttaasunut suliffeqarfinnullu naleqalersitsinerpaasut atorneqassallutik.

Malittarisassat paasiuminaatsut, missiliuterpasuallit minitallillu allaffissornikkut ingerlanneqarnissaat digitaliseererneqarnissaallu akisusarpoq. Inatsisini digitalimik allaffissornikkut ingerlatsinissap eqqarsaatigineqanngitsoornera peqqutaalluni IT-qarnermi atortunik paasiuminaatsunik pisariaqanngitsunilli pilersitsisoqarsinnaasarpog, taakkua ineriartortinnissaat aserfallatsaalinissaallu akisusarpoq. Tamakkua pinaveersaartinneqarsinnaapput naalakkersuisoqarfiit suliaasaqarfik pillugu akisussaasut ilitersorneqarsinnaagunik, tassani paasisinnaavaat inatsisinik digitalinngortitsinissamut qanoq ilanngussereersinnaanerlutik immaqaluunniit paasisinnaavaat inatsisit pioreersut qanoq nalimmassarneqarsinnaanersut.

#### ANGUNIARNEQARTOQ

1.g | Digitalinngortitsinissamut inatsisiliornissamut ilitersuummi suliaqarnissaq.

### **Pisortaqaarfinni digitalimik piginnaasanik pitsanngorsaaneq**

Kalaallit Nunaanni digitalinngortitsiniarnermi pingaarnarpaat tassaapput piginnaasat sulisullu. Immikkut piginnaasalinnik sulisoqaannarniarneq inuiaqatigiinni ajornartorsiutaavoq. Pisortaqaarfinni namminersortunilu digitalinngortitsineq sulisunik iperaanissamut sakkussaavoq. Digitalinngortitsinnginnermi suliassat assaat atorlugit suliarineqartartut digitalinngorlugit namminneq suliarineqarsinnaasunngortinneqartarput. Digitalinngortitsisoqassappalli suliffeqarfiit nutaanik piginnaasaqartariaqarput.

Nunarsuaq tamakkerlugu IT-qarnerup iluani piginnaasanik amigaateqarnerit annertusiartuinnarput, nunarsuullu sinnerani ineriartornerup sukkanera peqqutaalluni Kalaallit Nunaanni digitalinngortitsiniarnerup iluani piginnaanngorsaanerme suliassat annertusiartuinnarput. Suliffeqarfippassuit digitalinngortitsinerup pitsaaqutaanik mianersuaffissallu suunerinik kiisalu digitalinngorsaanerup iluani ineriartornerup ingerlatsinerullu iluani ilisimasaqarneri annikillereerput. Kalaallit Nunaanni pisortaqaarfinni digitalinngortitsineq sulisussakinermut sulianillu sukkatsisaanermeq atorineqassappat, taava digitalinngorsaanerup iluani periarfissat ilisimaneqarnissaannut, ineriartortinneqarnissaannut ingerlanneqarnissaannullu piginnaasassat pigineqartariaqarput.



#### **ANGUNIARNEQARTOQ**

- 1.h | Kalaallit Nunaanni pisortaqaarfinni digitalinngorsaanerunissaq anguniarlu pikkorissarfissanik ineriartortitsineq.
- 1.i | Nuna tamakkerlugu digitalinngortitsinissamut periusissiami anguniarneqartut pillugit pikkorissaanissaq anguniarneqartassaaq.



Digitalinngortitsinerup iluani pisorta qarfinni piginnaanngorsaaneq pingaaruteqarluinnarpoq. Taamaattumik pisorta qarfinni digitalimik piginnaasat siammasissumik annertusarniarlugit piginnaanngorsaaniissamut pilersaarusiortoqassaaq. Digitalimik aaqqiissutit nutaat atulernissaannut suliffe qarfiup iluani piginnaasassat siammasissumik annertunerulertussaammata, sullinniakkat pisorta qarfinni sulisuussapput, assigiinngitsuni inissisimasut.

Taakkua saniatigut periusissiami matumani anguniarneqartut inissinniarnierini eqqarsarluarnikkut piginnaanngorsaaneq saniatigut anguniakkatut inissinneqassaaq. Taamaaliornikkut periusissiami anguniarneqartut tamarmik ilisimasaqarfigineqalissapput siammasissumillu ilinniartoqassalluni.

## Oqaatsinut nalunaarsuut

### **Pisorta qarfiit ataatsimut**

*Pisorta qarfiit ataatsimut eqqarsaatigineqartillugit qitiusumik allatto qarfimmi immikkoortorta qarfiit kommunigullu pineqartarput.*





# Paasissutissanut nittartakkatigullu sillimaniarnissaq pitsaaneq

Digitalimik ulluinnsiuteqarnermi nittartakkatigut pinerlunniartoqartarnera isertortumillu paasiniaasoqartarnera ajorluartumik avaqunneqarsinnaanngillat. Suliffeqarfiit pisorta qarfiillu ulluinnsiuteqarnermi pilerisitsisarput, taakkualu ingerlatsineq eqqarsaatigalugu nipangiusimasassaapput – taakkualu hackerinut soqutiginarsinnaasuupput.

Center for Cybersikkerhedip nalilersuina tunngavigalugu Kalaallit Nunaannut nittartakkatigut pinerluttoqarsinnaaneranut isertortumillu paasiniaasoqarsinnaaneranut navianaataasinnaasut qaffasissorujussuupput. Navianaataasinnaasut uppersarsarneqareernikuupput, tassami Kalaallit Nunaanni pisorta qarfiit suliffeqarfiillu 2022-miinnaq arlaleriarlutik nittartakkatigut saassunneqarsimapput.

Paasissutissat nakkutigineqarnissaanni tekniskimik digitalimik atortup illersorneqarnissaa pineqanngilaq – inuiaqatigiilli illersorneqarnissaat pineqarpoq. Naalakkersuisunut pingaaruteqartorujussuuvoq qulakkiissallugu Kalaallit Nunaanni innuttaasut ilisimassagaat qanoq digitalimi periuseqarsinnaallutik – aammalu pisorta qarfiit suliffeqarfiillu ilisimassagaat qanoq iliornikkut nittartakkatigut saassunneqarsinnaanermut illersorsinnaanerlutik.

## Paasissutissanik nittartakkatigullu sillimaniarneq aqutsisut oqaluuserisassaanni

Paasissutissatigut sillimaniarneq sulii assigiissarneqarneruleriartorpoq. Pisorta qarfinni ataatsimut suliasaqarfinni aqutsisunit ingerlaavartumik ukkatarineqarpoq, aammalu namminersorlutik inuussutissarsior-tut paasissutissatigut nittartakkatigullu sillimaniarnerat qaffakkaluttuinnartoq.

Taamaaliornissamut pingaaruteqarpoq ataqatigiissumik assigiissaakkamillu sulinissaq – taamaattumik nunat tamalaat akornanni paasissutissanut sillimaniarneq pillugu ISO-standardiliaq – ISO 271001/02 – Kalaallit Nunaanni pisorta qarfinni atuutsinniarneqalerpoq.

### ISO 27001/02 – NUNAT TAMALAAT AKORNANNI PAASISSUTISSANUT SILLIMANIARNERMUT QAFFASISSUSEQ AKUERINEQARTOQ

Proffessioneltimik suleqatigiinnermi nalinginnaasuvoq suleqatigiit akornanni takutissallugu paasissutissanik sillimaniarnerup nunat tamalaat akornanni pitsaassusissatut akuerineqartoq sorleq tunngavigalugu sulinerluni. Taanna aallaavigalugu takutinniarneqartarpoq aqutsisunit suliffeqarfiup paasissutissanut sillimaniarnermut tunngatillugu ingerlaavartumik misissuisarnissaa.



ISO eqqarsaatigalugu paasissutissanut sillimaniarneq aqutsisunut ataqatigiittumik aaqqissuussaavoq, taanna aqutigalugu aqutsisut tunniusimalluarlutik ilisimaarinnilluarlutillu suleriutsinik atuligassanik toqqaasarpur, atornissaanullu periusiortarlutik.

ISO-mi nakkutilliissutit nalunaarsorsimapput, taakkualu sillimaniarneq eqqarsaatigalugu qaffasissuseq piumasap angunissaanut aqutsisunit atorneqalersinnaapput. Taanna atorlugu paasissutissat innut attuumassutillit, nipangiusimasussaaitat immaqaluunniit isertuussassat ataqatigiissaakkamik nakkutigineqarsinnaapput.

Aqutsisut paasissutissanik nittartakkatigullu sillimaniarneq eqqarsaatigalugu periusissaannik pitsaasumik pilersitsissagaanni aqutsisunik ilinniartitsinissaq pisariaqartinneqarpoq. Anguniakkat ilagaat pisorta qarfiit innuttaasunut suleqatigisartakkaminnullu allanut paasissutissanik illersuinertik pillugu uppersaasannaanngornissaat.

#### ANGUNIARNEQARTOQ

- 2.a | Paasissutissanik illersuinissamut periusissiamik atuutsitsilernissamut kommuninut ikiuunneq.
- 2.b | Paasissutissanik illersuinissamut periusissiamik atuutsitsilernissamut siunnersuineq.
- 2.c | Upalungaarsimaneq pillugu pilersaarutitut sungiusaatissanillu suliaqarnissamut siunnersuineq.
- 2.d | Periusissiap matuma ingerlannerani qitiusumik allattoqarfimmi ISO 27001-imik atuutsitsilerneq.
- 2.e | Pisorta qarfinni aqutsisunut paasissutissanik nittartakkatigullu sillimaniarneq pillugu ilinniartitsinissamut pilersaarusiorneq.

#### Paasititsiniaaneq | Innuttaasunut paasititsiniaaneq

Kalaallit Nunaata innuttaasullumi digitalinngoraluttuinnarnerini assigiinngitsutigut sillimaniarnikkut navianaataasinnaasut assigiinngitsut nalaattarpagut. Imaassinnaavoq nammeneq mailitsinnut immaqaluunniit inoqatinut attaveqaatitigut linki atorlugu digitalikkut peqquserlunnianit inuttut paasissutissaatitsigut sianiinaarniartittugut.

Pisorta qarfiit innut ataasiakkaanut kiffartuussissutaat neqeroorutaallu digitalitigut imminut sullissiviit aqutigalugit ingerlanneqarsinnaaleraluttuinnarput, soorlu aamma innuttaasut namminersortut digitalitigut kiffartuussissutaannik atuisinnaasut.

Taamaattumik Naalakkersuisunit nittartakkatigut navianaataasinnaasut pillugit innuttaasut akornanni ilisimasaqarnerulernissaq paasissutissiissutigineqarusuppoq, tassuuna ilisimasat, ilitsersuutit sakkussallu aqcutigalugit sumi qanorlu ulluinnarni digitalitigut qularnaatsumik periuseqarsinnaaneq paasissutissiissutigineqassaaq.



#### ANGUNIARNEQARTOQ

2.f | Nittartakkamik pilersitsineq, taanna aqcutigalugu innuttaasut suliffeqarfillu ulluinnarni qularnaatsumik nittartakkatigut periuseqarsinnaanermut siunnersuutinik ilitsersuutinillu atuarsinnaassapput.

2.g | Pisortaqarfinnut, namminersortunut innuttaasunullu paasititsiniaaneq.

## Nuna tamakkerlugu paasissutissanut nittartakkatigullu sillimaniarnerup ukkatarineqarnissaa

Pisortaqaarfinni ataatsimut namminersortullu akornanni IT-kkut attaveqaatitta sillimaniarnissaat eqqarsaatigalugu teknikkitigut minnerpaamik piumasaqataasussanut innersuussutit amerlasoorpassuupput. Innersuussutit suliffeqarfimmi navianaataasinnaasunut ilisimannittunut aqutsisunut aammalu suliffeqarfimmi navianaataasinnaasut pillugit aalajangiisinnaassusilinnut attuumassuteqarput.

### ANGUNIARNEQARTOQ

2.h | Kalaallit Nunaanni attaveqaatini navianarsinnaasut suussusersinissaat.

2.i | Pisortaqaarfinni sillimaniarneq anguniarlugu teknikkitigut iliuusissat pillugit kaajallaasitaq aammalu namminersortunut sillimaniarneq eqqarsaatigalugu teknikkitigut iliuuserineqarsinnaasut pillugit ilitersuut.

## Oqaatsinut nalunaarsuut

### Aaqqiissutit inuiaqatigiinnut pingaarutillit

*Aaqqiissutit inuiaqatigiinnut pingaarutillit tassaapput ulluinnarni inuiaqatigiinni ingerlaannarsinnaanissatsinnut tunngaviusumik suliat, nioqqutissat kiffartuussissutillu.*

### Attaveqaatit navianartut

*Uani attaveqaatit ukkataraagut, taakkununga ilaapput systemit, kiffartuussissutit, periutsit, attaveqaatit pigisallu kiisalu kiffartuussisutit aaqqiissutitut inuiaqatigiinnut pingaarutilinnut attassiniarnissamut pingaaruteqartut.*

### IT-qarnermi attaveqaatit navianaatillit

*IT-qarnermi attaveqaatit navianaatillit eqqartorneranni attaveqaatit ataatsimut navianaataat pineqarpoq. IT-qarnermi attaveqaatit navianaatillit eqqartoraangatsigit digitalimik attaveqaatit isiginiarneqartarput, taakkualu aaqqiissutitut inuiaqatigiinnut pingaarutilinnut attassiniarnissamut pingaaruteqarput.*

### IT-qarnermi atortut inuiaqatigiinnut pingaarutillit

*IT-qarnermi atortut inuiaqatigiinnut pingaarutillit eqqartorneqartillugit IT-qarnermi systemit pineqarput, taakkunani ingerlatsineri ajutoortoqarnerani inuiaqatigiinni ingerlatsisinnaaneq annertuumik unammillerneqartarpoq.*





# Silassorissuusiaq aamma paasissutissat

Naalakkersuisut anguniagaraat Kalaallit Nunaanni inuiaqatigiit ammasuussasut, kiffaanngissuserlu ataasiakkaannut annertusarneqassasoq. Inuiaqatigiit ammasuussagunik tamarmik pisorta qarfinnut sumiluunniit najugaqaraluarunik assigiimmik attaveqarsinnaassapput.

Digitalinngortitsineq aqqutigalugu anguniagaq una angusinnaavarput, taamaaliussagutta Kalaallit Nunaanni paasissutissanik suliaqarnitsinni assigiissaakkamik siunertalimillu suliaqartariaqarpugut. Kalaallit Nunaanni paasissutissat suusinnaanersut misissorneratigut Naalakkersuisut periusissiami matumani anguniagartik angusinnaavaat, uagut tunngaviusumik paasissutissanut programmi suliarinera ingerlatiinnassavarput, tassanilu nunatsinni paasissutissat ataatsimoortut aammalu paasissutissat pissarsiarineqarsinnaaneri ukkatarineqassallutik.

Silassorissuusiaq (Kunstig Intelligens KI-mik – Artificial Intelligence – AI-millu ilisimaneqartut) ukiuni makkunani ineriartupiloorput. KI siunissaq qaninnerusoq ungasinnerusorlu isigalugu Kalaallit Nunaanni inuiaqatigiinnut sunniuteqartussaavoq.

Paasissutissat eqqortut atorineqartillugit silassorissuusiata atorineqarsinnaapput, silassorissuusihammi paasissutissat aallaavigalugit atorineqarsinnaanerinut sungiusarneqartarput. Paasissutissat sumiiffimmeersut, suliaasaqarfinnit ataasiakkaaneersut, tassa Kalaallit Nunaanneersut atorineqassapput. Silassorissuusiata atorineqalissagaluarpata Kalaallit Nunaanni paasissutissat atorineqarsinnaaffii misissorineqartariaqarput.

## Kalaallit Nunaanni paasissutissanut periusissiaq

Ullutsinni paasissutissat unammissutigineqartarput, namminersortullu akornanni ineriartuutaallutik. Paasissutissat aallaavigalugit suliffeqarfiit ingerlaneri takuneqarsinnaapput, atuisullu pissusai takuneqarsinnaallutik. Pisorta qarfinni paasissutissat pineqartut aamma taamak ipput: tunngavissisarput, taakkualu aalajangiinissamut atorineqarsinnaapput – innuttaasut; ilinniartut, utoqqaat, nakorsiat, inuussutissarsiutillit assigisaasalu pissusaannik takutitsisinnaapput.

### ANGUNIARNEQARTOQ

3.a | Kalaallit Nunaanni paasissutissanut periusissiorneq.

3.b | Kalaallit Nunaanni paasissutissatigut periarfissat.



Paasissutissat tunngavigalugit qanoq digitalimik ineriartortoqarsinnaanersoq takuneqarsinnaavoq, taannalu aqqutigalugu innuttaasut ataasiakkaat pisorta qarfinnut pisariitsumik assigiissaakkamillu suugaluarnersumilluunniit sunnerneqaratik sullinneqarsinnaassapput.

Paasissutissanik suliaqarneq akisussaassuseqartumik qularnaatsumillu ingerlanneqassaaq, systemitsinni ingerlatsinissatsinnut sillimaniarnermut piumasaqaatitaqassaaq aammalu paasissutissanik aqutsinissatsinnut eqqarsartitsissalluni, kiisalu paasissutissanik suliaqarnitsinni pissuserissaarnissaq eqqumaffigineqassalluni.

Naalakkersuisut paasissutissanut periusissiaanni Kalaallit Nunaanni pisorta qarfinni paasissutissanik suliaqarnissaq pillugu sinaakkusiisoqarlunilu malittarisassiortoqassaaq.

### **Pisorta qarfinni silassorissuusiaq**

Paasissutissanut periusissiamik suliaqarneq tunngavigalugu Kalaallit Nunaanni pisorta qarfinni, minnerpaamik suliaqarneq marluusuni, silassorissuusiap atornissaanut suliniummik aallartisaasoqartariaqarpoq. Suliniutini anguniarneqassaaq pisorta qarfinni ingerlatsinerup sukkanerulernissaa, paasissutissanik pilersitsinissaa aammalu/imaluunniit sipaarutaaffiunissaa.

#### **ANGUNIARNEQARTOQ**

3.c | Periusissiap matuma ingerlanneqarnerani Kalaallit Nunaanni pisorta qarfinni silassorissuusiap minnerpaamik marlunnik aallartisaasoqassaaq.





### **Tunngaviusumik paasissutissanut programmi**

Kalaallit Nunaanni tunngaviusumik paasissutissanut programmi atuuttoq, Kalaallit Nunaanni digitaliseererneqartuni pisariunerpaavoq, tassanimi nalunaarsuiffiit, suliassaqarfiit inatsisillu assigiinngitsut akimorlugit paasissutissanik nalunaarsorsimasoqarpoq.

Tunngaviusumik paasissutissanut programmimi qulakkeerniarneqarpoq, paasissutissat sumiiffimmi ataatsimi nutarterneqartassasut, paasissutissallu ataqatigiissasut. Programmi atorlugu akisussaaffik inissinneqarsinnaavoq, paasissutissanillu piginnittoq ersarissumik kinaassuserneqarsinnaalluni – ilaatigut taassuma paasissutissat nutarterneqartarnissaannut atorneqassaaq.

Periusissiami ingerlaartumi anguniagaavoq ineqarnermut- sanaartukkanullu nalunaarsuiffiup nunaminertanut nalunaarsuiffiullu digitaliseererneqarnissaat. Ilaatigut taamaaliortoqarniarpoq nunap assingatigut geografimullu attuumassuseqarneq aqutsiniarnerlu ersarissarniarlugit. Kiisalu nalunaarsuiffiit ersinngitsut atorunnaarsinniarlugit. Oqaasileriffiuttaaq kissaatigisimavaa nunap aqqinut toqqorsiviup maannamut nunap aqqinut nalunaarsuiffimmut digitaliseererneqarsimasunut ilanngunneqarnissaat.

#### **ANGUNIARNEQARTOQ**

3.d | Tunngaviusumik paasissutissanut programmi.

3.e | Nunap aqqinut toqqorsiviup digitaliseererneqarnissaa.





# Sullissivik.gl

Sullissivik.gl Kalaallit Nunaanni digitalimik allannguiniarnermut pingaarutilerujussuartut, nunatsinni pisortani inuiaqatigiinnilu ataatsimoorussani portali, inissisimavoq.

Naalakkersuisunit sullissivik.gl-ip pitsanngorsarneqarnissaa suli suliniutigineqarpoq, kiisalu portalip inuiaqatigiinni pisortaqaqfinnut portalitut inissisimanagera aamma pitsanngorsarniarneqarluni. Sullissivik.gl-imi ingerlaavartumik ineriartortitsisoqartariaqarpoq, digitalimillu allannguiniarnermut tamanna aamma naapertuuttumik inissisimavoq.

## Atuisut ingerlaarfissaat

Naalakkersuisunit kissaatigineqarpoq innuttaasut sullissivik.gl-imi atuinermanni ingerlaarfigisartagaat pisariitsuullutillu naapertuutissasut. Innuttaasut inuunermanni inissisimanagera aallaavigalugu pisortaqaqfinnut attaveqartariaqalartarput. Tamanna peqqutaalluni innuttaasut paasisinnaasariaqarpaat ataani allasimasut:

- suut ilisimaneqartariaqarpat
- suut piginnaatitaaffigineqarpat
- suut pisussaataitaaffiuppat
- imminut kiffartuussissutit sorliit atorneqarsinnaanersut.

Innuttaasut sullissivik.gl-imi atuinermanni ikiorniarlugit atuisut ingerlaarfissaat isigineqartariaqarpoq.

### ANGUNIARNEQARTOQ

4.a | Atuisut sullissivik.gl-imi atuinermanni ingerlaarfisa misissorneqarneri.

4.b | Sullissivik.gl-imi atuisut ingerlaarfinik atuutsitsilerneq.

## Uanga Quppernera – innuttaasoq aamma Uanga quppernera app-inngorlugu

Naalakkersuisut kissaatigaat innuttaasut paasisutissat imminerminnut attuumassutillit pisariitsumik Uanga Quppernera – innuttaasoq aqutugalugu digitalinngorlugit iserfigisinnaassagaat.

Taamaaliorinnaassagutta pisortaqaqfiit tamarmik digitalimik aaqqiissutissanik inerisaaleraangamik Uanga Quppernera – innuttaasoq eqqarsaatigisariaqartassavaat. Uanga Quppernera – innuttaasoq periusissiap ingerlaarfiani siullermi ineriartortinneqarsimavoq, periarfissamilu matumani saqqummersinneqassalluni.

Periusissiami matumani Uanga Quppernera – innuttaasup app-eqarnissaanut pisariaqartitsineq misissorneqassaaq ineriartortitsisoqarsinnaanerannullu periarfissaqassalluni. App-i aqqutigalugu innuttaasut pisariitsumik digitalinut atortorisatik atorlugit, soorlu tableteq smarthonerluunniit atorlugu Uanga Quppernera iserfigisinnaassavaat.

App-ip ineriartortissinnaanera ingerlanneqassaaq misissuinnermit paasisat aallaavigalugit, tassanilu innuttaasut tunngaviusumik piginnaasassatut pisariaqartitaat nittartakkakkullu paasissutissanik ujartuinnerminni ujartortagaannik imaqassaaq.

#### ANGUNIARNEQARTOQ

4.c | Uanga quppernera – innuttaasoq ineriartortinneqassaaq.

4.d | Uanga quppernera app-i misissorneqassaaq.

4.e | Uanga quppernera app-i ineriartortinneqassaaq.

#### Uanga suliffeqarfiutiga

Innuttaasut ataasiakkaat imminnut paasissutissanik paasissutissiiffigisinnaasaannik qupperneqarnissaat assigalugu suliffeqarfiit aamma sullissivik.gl aqqutigalugu inuussutissarsiortunut Uanga suliffeqarfiutiga iserfigineqarsinnaalissaaq.

Suliffeqarfiup quppernerata ineriartortinnissaanut ataani allassimasut misissorneqassapput:

- pisorta qarfinnit paasissutissat suut pissarsiarineqarsinnaassanersut pisariaqartinneqarpa?
- Kalaallit Nunaanni suliffeqarfiit oqartussanit paasissutissat suut pissarsiarisinaanissaat pisariaqartinneqarpa?

#### ANGUNIARNEQARTOQ

4.f | Uanga suliffeqarfiutiga pillugu misissuineq.

4.g | Uanga suliffeqarfiutiga ineriartortinneqassaaq.







# Digitalimik peqataatitsineq

Naalakkersuisut kissaatigaat tamat oqartussaaqataanerat nukittorsarneqassasoq, innuttaasullu tamarmik pisortanut attaveqarniarnerat assigiilissasoq. Nunap aaqqissuussaana eqqarsaatigalugu digitalinngortitsineq sakkussatsialaavoq, kissaatigisallu piviusunngortinnissaannut aqqutissatsialaalluni.

Inuiaqatigiinni digitalimik allannguiineq tunngavigalugu, digitalimik aaqqiissutissat amerlanerit atorneqarsinnaalerput. Pisorta qarfinnilu digitalimik piginnaasagut pillugit piumasaqaatit qaffakkaluttuinnarlutik.

## Digitalimik peqataatitsineq

Kalaallit Nunaata Nunat Avannarliit Ministeriisa Siunnersuisooqatigiivinut – tassunga ilanngullugu Ministerit digitalinngortitsinermut siunnersuisooqatigiini, MR-DIGITAL-imut ilaasortaanerminut atatillugu suliniutigineqartut ilagaat inuiaqatigiit assigiimmik digitalimik peqataatinneqarnissaat. Digitalimut ineriartorneq peqataatitsinertalik nunat avannarliit baltiskillu oqaloqatigiinnikkut ilisimasatigullu avitseqatigiinnikkut suleqatigiissutigisaraat.

### ANGUNIARNEQARTOQ

5.a | Misissuisoqarnissaa: Kalaallit Nunaanni digitalimik peqataatitsinissamut tunngavissat malittarisassallu.





### Nittartagaq iserfigineqariaannaasooq

EU-mi nittartakkat iserfigineqariaannaanissaat ukkatarineqartorujussuuvoq. Periusissiornermi matumani tamanna misissorniarneqarpoq, paasiniarneqarlunilu Kalaallit Nunaanni nittartakkatigut iseriaannaaneq qanoq ittuussanersoq misissorniarneqarpoq, periarfissallu aallaavigalugit anguniagassatut inissiisoqarusulluni.

*Nittartaq iserfigineqariaannaasooq pineqartillugu uani pineqartarpoq, innuttaasut qanorlunniit innarluuteqaraluarpata piginnaaneraticulluunniit killegaraluarpata, inuiaqatigiinni innuttaasut allat naligalugit digitalimik aaqqiissutinik atuisinnaanissaat peqataasinnaanissaallu. Uani pingaarnertut pisortaqarfiit innuttaasullu akornanni attaveqaat pineqarpoq.*

#### ANGUNIARNEQARTOQ

5.b | Kalaallit Nunaanni nittartagaq iserfigineqariaannaasooq pillugu periusissiaq.

# Anguniarneqartut ataatsimut nalunaarsorsimaffiat

**Suliassat:** Suliassat anguniagassatut taaguuserneqarsimapput taakkua teknikkitigut ineriartortitsinissamik pisariaqartitsinngillat, kisiannili paasiniaasoqartariaqarpoq, misissuiffigineqartariaqarput nalunaarusiorfigineqartariaqarlutillu.

**Suliniutit:** Suliniutit anguniagassatut taaguuserneqarsimapput, taakkua aallartinnginnerini maannamut sulieruserineqartut misissuiffigineqarnissat piumasaqaataavoq.

Anguniagassat tunngavigalugit Digitalinngortitsinermut Aqutsisoqarfimmit piumasaqaatit suunersut nalunaarsorneqassapput, taakkunanilu teknikkitigut, digitalitigut ineriartortitsinissamut ataatsimullu aaqqiissuteqartoqarnissaa isiginiarneqarumaarluni.

Suliniuteqartoqassatillugu nalinginnaasumik pisorta qarfiit arlallit peqataasariaqartarput, inatsisitigut nalimmasaasoqartariaqartarpoq immaqaluunniit nutaamik inatsisiliortoqartariaqartarluni. Taamaattumik suliniuteqarnermi attaveqatigiinneq pingaaruteqarlunnarpoq inuiaqatigiinnut, suliffeqarfinnut pisorta qarfinnulluunniit ataatsimut attaveqartoqassagaluaraangat.

## Digitalinngortitsinermi tunngavissaq

| ID    | Anguniarneqartoq                                                                                                                             | Akisussaaffik                                                                                                                                                                                                                                                                                                                                                                                                                                                                                                                                                         |
|-------|----------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1 . a | Periusissiap matuma anguniarneqarnerani EU-p inuit pillugit paasissutissanik illersuisarneq pillugu inatsisissatut siunnersuusiortoqassasoq. | <p>Digitalinngortitsinermut Aqutsisoqarfiup inatsisissatut siunnersuut akisussaaffigaa, suliamik ingerlatsinermi pisorta qarfiit inuussutissarsiuteqarfimmillu soqutigisallit suleqatigineqarsinnaapput.</p> <p>Suliniut una suliarineqassaaq EU-p avataani nunatut sillimaniarnikkut qaffasissumik inissisimasutut inissisimalernissaaq, taamaattumik suliniummik ingerlatsinermi inatsisissasut siunnersuummik suliaqarnermi EU-p allaffeqarfii naapertuuttut peqataatinneqassapput.</p> <p>Suliassaq Digitalinngortitsinermut Aqutsisoqarfiup ingerlatissavaa.</p> |

## Digitalinngortitsinermit tunngavissaq

| ID    | Anguniarneqartoq                                                                                                                                                         | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
|-------|--------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1 . b | Pisortaqarfiit suliffeqarfiillu inuiaqatigiinnut pisariaqavissortut cyberimi sillimaniarnermut piumasaqarfiginissaat pillugit inatsisissatut siunnersuummik suliaqarneq. | <p>Naalagaaffiit takornartat pinerlunniallu nittartakkatigut saassussisinaanerat, isertorlutik paasiniaasinnaanerat, paassutissanik Kalaallit Nunaanneersunik tillissinaanerat imaluunniit inuiaqatigiinni suliffiit pingaarutillit atorpeqarsinnaajunnaannnginnissaat anguniarlugu inatsisissatut siunnersuusiortoqarniarpoq. Inatsisissatut siunnersuummi ilaatigut qulakkeerniarneqarpoq pisortaqarfiit suliffeqarfiillu cyberimi sillimaniarnerup iluani suleqatigiissinnaalissasut, taamaaliornikkullu sillimaniarneq qaffassarneqarsinnaassalluni.</p> <p>Kiisalu pisortaqarfiit inuiaqatigiinnilu suliffeqarfiit pingaaruteqartut siunnersorneqarsinnaanissaat nakkutigineqarsinnaanissaallu qulakkeerniarneqarluni.</p> <p>Suliassaq Digitalinngortitsinermit Aqutsisoqarfiup ingerlatissavaa.</p> |
| 1 . c | Kalaallit Nunaanni Pisortaqarfinni Ataatsimut Digitalimik Aaqqissuussinermit minnerpaaffissamik ineriartortitsisoqarnissaa atuutsitsisoqalernissaalu.                    | <p>Suliniimut Digitalinngortitsinermit Aqutsisoqarfik tunngaviummik aqutsisuussaaq, periusissat, pitsaassusissaq sinaakkutissallu ingerlaavartumik pisortaqarfinni ataatsimut aalajangiisinnaassusillit akuerisassavaat. Suliniimmi uku suliarineqassapput:</p> <ul style="list-style-type: none"> <li>- pitsaassutsit atuuttut nassuiarneqarneri</li> <li>- ataatsimut periusissap sakkussallu ineriartortinneqarnissaa</li> <li>- best practice aallaavigalugu aaqqissuussinermit tunngavissat ineriartortinneqarnissaat</li> <li>- Pisortaqarfinni Ataatsimut Digitalimik Aaqqissuussinermit aqutsisussap ineriartortinneqarnissaa</li> </ul> <p>Suliassaq Digitalinngortitsinermit Aqutsisoqarfiup ingerlatissavaa.</p>                                                                                |



## Digitalinngortitsinermi tunngavissaq

| ID    | Anguniarneqartoq                                                                                                      | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            |
|-------|-----------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1 . d | Kalaallit Nunaanni misissuineq tunngavigalugu aqutseriaasissamik suleqatigeeriaasissamillu pitsaasumik pilersitsineq. | <p>Suliniuummi matumani digitalinngortitsineq eqqarsaatigalugu pisorta qarfinni ataatsimut ingerlatsisussat pitsaanerpaamik aqunneqarnissaat suleqatigiissutaanissaallu misissorneqassaaq, tassanilu ineriartornissamut sulianillu ingerlatsinissaq aamma isigineqarumaarpoq.</p> <p>Digitalinngortitsinermit Aqutsisoqarfik qitiusumik allattoqarfiup kommunillu akornanni suliniuummut aqutsisutut inissisimassaaq.</p> <p>Aqutsinissamut suleqatigiinnissamullu ilusissaq Naalakkersuisunit kommunalbestyrelsenillu aalajangiiffigineqassaaq.</p> <p>Suliassaq Digitalinngortitsinermit Aqutsisoqarfiup ingerlatissavaa.</p>                                                                                                                                                                                                                          |
| 1 . e | IT-mi isumaqatigiissutit najoqqutassallu ineriartortinneqassapput.                                                    | <p>IT-qarnermi kiffartuussissutinik pissarsiniarnermut isumaqatigiissutinik aalajangersimasunik suliaqartoqassaaq. Digitalinngortitsinermit Aqutsisoqarfiup pisorta qarfiit oqaloqatiginerisa kingorna pisariaqartinneqartut tunngavigalugit isumaqatigiissusiassat suliarissavai.</p> <p>Isumaqatigiissutit ima suliarineqassapput pisorta qarfiit pisariaqartitaminnut nalimmassaariaannangorlugit. Pisorta qarfiup isumaqatigiissutit atornianngikkunigut, isumaqatigiissutini allassimasut aallaavigalugit sammisanut aalajangiisinnaassuseqassapput.</p> <p>Isumaqatigiissutit ingerlaavartumik IT-qarnermi kiffartuussissutaasartut aallaavigalugit amerliartortinneqassapput – ingerlatsinermit ineriartortitsinermullu isumaqatigiissutit takuneqarsinnaassapput.</p> <p>Suliassaq Digitalinngortitsinermit Aqutsisoqarfiup ingerlatissavaa.</p> |

## Digitalinngortitsinermit tunngavissaq

| ID    | Anguniarneqartoq                                                                                                          | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    |
|-------|---------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1 . f | Pisortaqarfinni<br>aqutsisunut IT-qarnermi<br>isumaqatigiissusiornissamut<br>pikkorissarneqarnissaannik<br>pilersitsineq. | <p>Aqutsisunut immaqaluunniit IT-qarnermut<br/>attuomassuteqartunut pisiniarnissamut akisussaaffimmik<br/>tigummiartunut akeqanngitsumik pikkorissaanermi<br/>atortussanik pikkorissaanernillu pilersaarusiortoqassaaq.</p> <p>Pikkorissarnermi IT-qarnermi isumaqatigiissutit<br/>atornissaat aammalu IT-qarnermi<br/>isumaqatigiissutaasartuni ajornartorsiutaasartut<br/>iserfigineqassapput.</p> <p>Pikkorissarneqartunut siunertaassaaq namminneerlutik<br/>IT-qarnermut tunngasunik inatsisini allassimasunik<br/>malittarisqaarlutik pisisinnaalernissaat.</p> <p>Suliassaq Digitalinngortitsinermit Aqutsisoqarfiup<br/>ingerlatissavaa.</p>                                                                                                                                                                                                                                                                                                             |
| 1 . g | Digitalinngortitsinissamut<br>inatsisiliornissamut<br>ilitersuummi suliaqarnissaq.                                        | <p>Digitalinngortitsinissamut inatsisiliornissamut ilitersuutit<br/>ilaatigut ukua iserfigissavaat:</p> <ul style="list-style-type: none"> <li>- Digitalimik imminut sullissinnaanermut aaqqiissutit<br/>nittartakkallu iserfigineqarsinnaaneri</li> <li>- Inuit digitalimik atuisinnaanngitsut digitalimik<br/>atuinissamut peqataatinnginneqarnissaat</li> <li>- Sulianik sullissinermit periutsit namminneq ingerlasut:<br/>Eqqoriaanertaqanngitsumik piumasaqaasersuineq.<br/>Eqqoriaanertalimmik piumasaqaasersuineq<br/>(eqqoriaaneq annikinnerusoq)</li> <li>- Paasissutissanik atueqqinneq, paasissutissanik<br/>piginnittut kiisalu paasissutissanik illersuineq</li> <li>- Digitalimik attaveqatigiinneq: MitID, Digitalimik<br/>allagarsiat, NemKonto, isertitat assigisaallu</li> <li>- Navianaataasinnaasut eqqarsaatigalugit<br/>tunngavilersuisinnaaneq</li> </ul> <p>Suliassaq Digitalinngortitsinermit Aqutsisoqarfiup<br/>ingerlatissavaa.</p> |

## Digitalinngortitsinermit tunngavissaq

| ID    | Anguniarneqartoq                                                                                                            | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
|-------|-----------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1 . h | Kalaallit Nunaanni pisorta qarfinni digitalinngorsaanerunissaq anguniarlu pikkorissarfissanik ineriartortitsineq.           | <p>Pisorta qarfinni digitalinngortitsiniarneq sulisut immikkoortullu assigiinngitsut akornanni piginnaasassanik pisariaqartitsivoq.</p> <p>Taamaattumik periusissiap matuma ingerlanneqarnerani pisorta qarfinni pikkorissaanissamut pilersaarummik sanasoqassaaq, taannalu aqutigalugu Kalaallit Nunaanni pisorta qarfiit suliffeqarfimminni digitalinngortitsiniarnerat ikorfartorneqassalluni.</p> <p>Pikkorissaanermut pilersaarut siammasissuussaaq sullinniakkallu assigiinngisitaassallutik.</p> <p>Pikkorissaanerup imassaa eqqarsaatigalugu pisorta qarfinni pisariaqartitat misissorneqassapput. Periusissiap matuma ingerlanerani pikkorissaanissamut pilersaarut suliarineqassaaq pikkorissaasoqassallunilu, periusissiallu naammassinissaanut nalilersorneqassalluni arlaatigut pikkorissaanerit aaqqissuunneqassanersut.</p> <p>Suliassaq Digitalinngortitsinermit Aqutsisoqarfiup ingerlatissavaa.</p> |
| 1 . i | Nuna tamakkerlugu digitalinngortitsinissamut periusissiami anguniarneqartut pillugit pikkorissaanissaq anguniarneqartassaaq | <p>Pisorta qarfinni digitalinngortitsisoqassappat, pisorta qarfinni sulisut assigiinngitsut piginnaasaqartariaqarput.</p> <p>Pisorta qarfimmi periusissiap matuma ingerlanerani digitalimik piginnaasat annertusarniarlugit, periusissiami matumani anguniarniarneqartuni tamani piginnaanngorsaaneq ilanngunneqassaaq. Taamaaliornikkut periusissiami anguniarneqartut iluini ilisimasassat qulakkeerneqassapput kiisalu pisorta qarfinni piginnaasat siammasissuunissat anguneqassalluni.</p> <p>Suliassaq Digitalinngortitsinermit Aqutsisoqarfiup ingerlatissavaa.</p>                                                                                                                                                                                                                                                                                                                                            |

## Paasissutissanut nittartakkatigullu sillimaniarnissaq pitsaaneq

| ID    | Anguniarneqartoq                                                                              | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
|-------|-----------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2 . a | Paasissutissanik illersuinissamut periusissiamik atuutsitsilernissamut kommuuninut ikiuunneq. | <p>Periusissiap aallartilaarnerani Pisortat Digitalinngorsaanermik Aqutsisoqatigiivi aalajangerput kommunit paasissutissanik illersuinissaannut nunat tamalaat akornanni ingerlanneqartut pitsaaqataannik periusissioinissaannut kommunit Digitalinngortitsinermut Aqutsisoqarfimmit ikiorneqarsinnaassasut.</p> <p>Kommuunit namminneerlutik paasissutissanik illersuinissamut pitsaassusissaminnik toqqaassapput ingerlatsissallutilli, Digitalinngortitsinermut Aqutsisoqarfimmiilli suliniutip ingerlannissaanut iliuuserineqartunullu tunngatillugu ikiorneqarsinnaassallutik.</p> <p>Taakkua saniatigut kommuunit avataanit ikiorneqarnissamut isumaqatiginninniarnermut Digitalinngortitsinermut Aqutsisoqarfimmit akit kiffartuussissutillu naapertuunnissaat anguniarlugu siunnersorneqarsinnaapput.</p> <p>Suliassaq Digitalinngortitsinermut Aqutsisoqarfimmit pigineqassaaq.</p> |
| 2 . b | Paasissutissanik illersuinissamut periusissiamik atuutsitsilernissamut siunnersuineq.         | <p>Suliffeqarfiit namminersortut paasissutissat illersorneqarnissaat pillugit periusissiamik, nunat tamalaat akornanni atorineqartutut pitsaatigisumik atulersitsiniarpata, Digitalinngortitsinermut Aqutsisoqarfik ikiuussinnaassaaq. Taamaaliornissaq eqqarsaatigalugu paasissutissat ilitersuutillu tamanit takuneqarsinnaasunngortinneqassapput.</p> <p>Suliassaq Digitalinngortitsinermut Aqutsisoqarfimmit pigineqassaaq.</p>                                                                                                                                                                                                                                                                                                                                                                                                                                                          |



## Paasissutissanut nittartakkatigullu sillimaniarnissaq pitsaaneq

| ID    | Anguniarneqartoq                                                                               | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
|-------|------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2 . c | Upalungaarsimaneq pillugu pilersaarutitut sungiusaatissanillu suliaqarnissamut siunnersuineq.  | <p>Suliffeqarfik nittartakkatigut susoqarsinnaanerani imminut illersorsinnaanissaanut upalungaarsimanissamut pilersaarutit sungiusaatillu pingaarutilerujussuurtut inissisimapput.</p> <p>Saassussineq aallartikkaangat, upalungaarsimaniarnissamut periussissaq kingusinaartarpoq, taamaattoqartillugulu suliffeqarfiup ingerlataani paasissutissaataannilu eqqugaasinnaanerpaat suussusersineqartariaqarput.</p> <p>Nittartakkakut saassussineq unitsinneqapallappat, aningaasartuutissat annikinnerussapput – uani aningaasat sulisullu suliffeqarfiup atugassai eqqarsaatigineqarput.</p> <p>Uani tamat takusinnaassaannik upalungaarsimanissamut pilersaarutit sungiusaatillu pillugit paasissutissiisoqarlunilu ilitersuusiortoqassaaq.</p> <p>Suliassaq Digitalinngortitsinermut Aqutsisoqarfimmit pigineqassaaq.</p> |
| 2 . d | Periusissiap matuma ingerlannerani qitiusumik allattoqarfimmi ISO 27001-imik atuutsitsilerneq. | <p>Suliniut una 2022-mi aallartisarneqarpoq, periusissiallu ingerlanneqarnerani aamma ingerlatiinnarneqassalluni.</p> <p>Nunat tamalaat akornanni paasissutissat illersorneqarnissaannut periusissiamik akuerineqartumik atuilernissap siunertaraa EU-mut qinnutigineqarsinnaalerniassammat Kalaallit Nunaat nunaasoq EU-p isumaqatigiissuteqarfigisaata avataaniittoq, sillimaniarnikkut qulakkeerneqarsinnaasoq.</p>                                                                                                                                                                                                                                                                                                                                                                                                       |



## Paasissutissanut nittartakkatigullu sillimaniarnissaq pitsaaneq

| ID    | Anguniarneqartoq                                                                                                                                                                                      | Akisussaaffik                                                                                                                                                                                                                                                                                                                                                                                                                                                                                                                                                                                                                 |
|-------|-------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2 . d | Periusissiap matuma ingerlannerani qitiusumik allattoqarfimmi ISO 27001-imik atuutsitsilerneq.                                                                                                        | <p>Paasissutissat illersornissaannut periussissiaqarnikkut suliffeqarfimmit tulliuttut ilisimaneqarnissaat qulakkeerneqarsinnaavoq:</p> <ul style="list-style-type: none"> <li>- paasissutissat qanoq isillutik suliffeqarfiup iluaniilertarpat?</li> <li>- paasissutissat suliffeqarfiup iluani qanoq ingerlaartarpat?</li> <li>- paasissutissat qanoq ittut immikkut suliarineqartariaqarpat, sorliit systemimut, serverinut, attaveqaatinut, digitalimik aaqqiissutinut kiisalu pisattatigut initigullu immikkut piumasaqaatitaqarpat?</li> </ul> <p>Suliniut Digitalinngortitsinermut Aqutsisoqarfimmit pigineqarpoq.</p> |
| 2 . e | Ilinniartitsinissamut malitassamik, paasissutissanut nittartakkatigullu sillimaniarnermut pisortaqaarfinni aqutsisunut, ineriartortitsineq.                                                           | <p>Paasissutissanut nittartakkatigullu sillimaniarnissamut illersuinissaq sakkortoq, aqutsisuniippoq. Tamanna aallaavigalugu ilinniartitsinissamut malitassamik ineriartortitsisoqartariaqarpoq, pisortaqaarfinni aqutsisunut.</p> <p>Suliassaq Digitalinngortitsinermut Aqutsisoqarfimmit pigineqassaaq.</p>                                                                                                                                                                                                                                                                                                                 |
| 2 . f | Nittartakkamik pilersitsineq, taanna aqutigalugu innuttaasut suliffeqarfiillu ulluinnarni qularnaatsumik nittartakkatigut periuseqarsinnaanermut siunnersuutiniq ilitersuutinillu atuarsinnaassapput. | <p>Inuusuttunut inersimasunullu nittartakkatigut qularnaatsumik periuseqarnissaq pillugu siunnersuutiniq ilitersuutinillu pisariaqartitsisoqarpoq, taakkua tamanit takuneqarsinnaasunngorlugit pisortaqaarfiillu paasissutissiisutut ersitsillugit saqqummiunneqassapput.</p> <p>Suliniut pillugu pingaarutilinnik paasissutissarpassuaqarpoq, taakkualu pingaarnersioriarlugit Kalaallit Nunaannut nalimmassarneqassapput, atoruminartumillu nittartagaliortoqassalluni.</p> <p>Suliniut Digitalinngortitsinermut Aqutsisoqarfimmit pigineqassaaq.</p>                                                                       |

## Paasissutissanut nittartakkatigullu sillimaniarnissaq pitsaaneq

| ID    | Anguniarneqartoq                                                                                                                                                                                                                          | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |
|-------|-------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 2 . g | Pisortaqarfinnut,<br>namminersortunut<br>innuttaasunullu<br>paasititsiniaaneq.                                                                                                                                                            | <p>Paasissutissat nittartakkatigullu sillimaniarneq pillugu paasititsiniaasoqassaaq, paasissutissiinerup siunertarissavaa ajornartorsiut pillugu ingerlaavartumik eqqaasitsisoqartarnissaa.</p> <p>Paasititsiniaanermi Kalaallit Nunaanniittut ataatsimut saaffigineqassapput, tassa imaappoq pisortaqarfiit, namminersortut innuttaasullu paasisassaannik saqqummiisoqassaaq.</p> <p>Suliniut Digitalinngortitsinermut Aqutsisoqarfimmit pigineqassaaq.</p>                                                                                                                                                                                                                                                                                                                                                              |
| 2 . h | Kalaallit Nunaanni<br>attaveqaatini<br>navianarsinnaasut<br>suussusersinissaat.                                                                                                                                                           | <p>Kalaallit Nunaanni nittartakkatigut illersorsinnaanerup nukittorsarneqarnissaanut atatillugu nunatsinni attaveqaatit inuiaqatigiinnut pingaarutillit navianartorsiorsinnaasut suussusersineqassapput.</p> <p>Pisortaqarfinnit namminersorlutilu oqartussat suliffeqarfiutaannit oqaloqateqarneq tunngavigalugu pingaarnersiuisoqassaaq, taannalu aallaavigalugu immikkoortuni aaqqiissutit atortut pisariaqartinneqartut inuiaqatigiinnullu pingaarutillit suussusersineqassapput.</p> <p>Suliniut annertoorujussuuvooq, naatsorsuutigineqarporlu suliaq periusissiap ingerlanera tamaat ingerlanneqassasoq.</p> <p>Suliniut Digitalinngortitsinermut Aqutsisoqarfimmit pigineqarpoq, suliniulli taamaallaat iluatsissinnaavoq pisortaqarfiit namminersorlutilu oqartussat suliffeqarfiutaat piginnittoqataagunik.</p> |
| 2 . i | Pisortaqarfinni sillimaniarneq<br>anguniarlugu teknikkitigut<br>iliuusissat pillugit kaajallaasiaq<br>aammalu namminersortunut<br>sillimaniarneq<br>eqqarsaatigalugu<br>teknikkitigut<br>iliuuserineqarsinnaasut<br>pillugit ilitsersuut. | <p>Pisortaqarfinni nittartakkatigut illersorsinnaaneq pillugu piumasaqaateqartoqartariaqarpoq, aammalu namminersortut taakkua pillugit ilitsersorneqartariaqarlutik.</p> <p>Ullutsinni pisortaqarfinni namminersortullu akornanni nittartakkatigut illersorsinnaanerup inissisimaffii assigiinngitsorujussuupput.</p> <p>Pisortaqarfinni namminersortunilu nittartakkatigut illersorsinnaaneq pillugu piumasaqaateqartoqarnissaa innersuussuteqartoqarnissaalu pingaaruteqarpoq.</p> <p>Suliniut Digitalinngortitsinermut Aqutsisoqarfimmit pigineqarpoq, suliniulli taamaallaat iluatsissinnaavoq pisortaqarfiit namminersorlutilu oqartussat suliffeqarfiutaat piginnittoqataagunik.</p>                                                                                                                                |

## Silassoruissuusiaq paasissutissallu

| ID    | Anguniarneqartoq                                     | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |
|-------|------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 3 . a | Kalaallit Nunaanni paasissutissanut periusissiorneq. | <p>Paasissutissanut periusissiaq una Kalaallit Nunaanni inuiaqatigiinni digitalimik ineriartortitsinissamut anguniagassanik piviusunngortitsiniarnermi qitiusumik sakkussaavoq.</p> <p>Taamaattumik paasissutissanik periusissiap Kalaallit Nunaanni pisorta qarfiit ataatsimut namminersortullu soqutigisaattut atuutsinneqalernissaa pingaaruteqartorujussuuvoq.</p> <p>Paasissutissanut periusissiami ilanngunneqartussat:</p> <ul style="list-style-type: none"> <li>- Kulturi inuillu</li> <li>- Aaqqissuussaaneq pitsaassuserlu</li> <li>- Sillimaniarneq inuillu inuunerat pillugu politikki</li> <li>- Paasissutissat pillugit periusissiaq, paasissutissanik pilersitsineq ilusilersuinerlu – tassuuna Kalaallit Nunaanni aqutseriaaseqartoqassaaq.</li> </ul> <p>Saniatigullu aamma paasissutissat, paasissutissat pitsaassusaat, paasissutissat pillugit pissuserissaarnissaaq, ineriartortitsinermi paasissutissat pissarsiarineqarsinnaanissaaq eqqarsaatigalugit digitalinngortitsisoqassaaq.</p> <p>Suliassaaq Digitalinngortitsinermut Aqutsisoqarfimmit akisussaaffigineqarpoq.</p> |
| 3 . b | Kalaallit Nunaanni paasissutissatigut periarfissat.  | <p>Kalaallit Nunaanni paasissutissat annertuut pigineqareerput. Maannakkulli Kalaallit Nunaanni paasissutissat qanoq ittut pigineqarnersut iluamik ilisimaneqanngilaq, kiisalu paasissutissat atorlugit periarfissat aamma suussusersineqarnikuugatik.</p> <p>Misissuinermi sumiiffiit, paasissutissanik peqanngiffiit aammalu paasissutissat pillugit suliqartoqalissagaluarpat suut periarfissaanersut nalilersorneqassapput.</p>                                                                                                                                                                                                                                                                                                                                                                                                                                                                                                                                                                                                                                                                  |





## Paasissutissat

| ID    | Anguniarneqartoq                                                                                                                            | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                          |
|-------|---------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 3 . b | Kalaallit Nunaanni paasissutissatigut periarfissat.                                                                                         | <p>Misissuinermittaat paasiniarneqassaaq paasissutissat pitsaassusaat takutinniakkatut atorsinnaanersut, aammalu paasissutissat aalajangiinissamut tunngaviusinnaanersut. Kiisalu aamma misissorneqassalluni paasissutissat siammarterneqarsinnaanersut.</p> <p>Suliassaq Digitalinngortitsinermut Aqutsisoqarfimmit akisussaaffigineqarpoq.</p>                                                                                                                                                                                                                                                                                                                                                       |
| 3 . c | Periusissiap matuma ingerlanneqarnerani Kalaallit Nunaanni pisorta qarfinni silassorissuusianik minnerpaamik marlunnik aallartisaasoqassaaq | <p>Siunissami nunat tamalaat akornanni sulinermi silassorissuusiaoq ator neqarnerulerallutuinnaassaaq. Taamaattumik Kalaallit Nunaanni silassorissuusiaoq pillugu misilittaasoqartariaqarpoq, suut periarfissaanersut paasiniarneqassaaq kiisalu ineriartorneq ingerlatsinerlu malinnaavigineqassallutik.</p> <p>Periusissiap matuma ingerlanerani minnerpaamik silassorissuusiat marluk suliniutigineqarnissaat aallartisarneqassaaq. Suliassaqarfiit sorliit toqqarneqassanersut 3.b-mi anguniarneqartumit aallaaveqarumaarput.</p> <p>Suliniutip aqunneqarnissaanut Digitalinngortitsinermut Aqutsisoqarfik akisussaasuussaaq, suliassaqarfiilli toqqarneqartut suliniummik aqutsisuussallutik.</p> |
| 3 . d | Tunngaviusumik paasissutissanut programmi.                                                                                                  | <p>Periusissap ingerlannerani ineqarnermut sanaartukkanullu nalunaarsuiffik, nunaminertanut nalunaarsuiffik attuumassuteqarnermullu nalunaarsuiffik digitaliseererneqassapput.</p>                                                                                                                                                                                                                                                                                                                                                                                                                                                                                                                     |



## Paasissutissat

| ID  | Anguniarneqartoq                                       | Akisussaaffik                                                                                                                                                                                                                                                                                                                                                                                                         |
|-----|--------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 3.d | Tunngaviusumik paasissutissanut programmi.             | <p>Digitalinngortitsinermut atatillugu piffissami qaninnermi aaqqiissutissamik aammalu piffissami ungasinnerusumik attuumassuteqarnermut nalunaarsuiffiup aaqqiiffigineqarnissaa isiginiarneqassaaq, kingulleq ineqarnermut sanaartukkanullu nalunaarsuiffimmut aammalu nunaminertanut nalunaarsuiffimmut pingaaruteqartorujussuuvoq.</p> <p>Digitalinngortitsinermut Aqutsisoqarfik programmimik aqutsisuussaaq.</p> |
| 3.e | Nunap aqqinut toqqorsiviup digitaliseernerneqarnissaa. | <p>Oqaasileriffiup kissaatigaa periusissiap ingerlanneqarnerani nunap aqqinut toqqorsiviup digitaliseernerneqarnissaa, taannalu maannamut nunap aqqinut digitalinngortitsikkanut arlaatigut atassuteqartinneqarnissaa aamma kissaatigineqarsimavoq.</p>                                                                                                                                                               |

## Sullissivik.gl

| ID  | Anguniarneqartoq                                                           | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
|-----|----------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 4.a | Atuisut sullissivik.gl-imik atuinerminni ingerlaarfiisa misissorneqarneri. | <p>Periusissiap ingerlanneqarnerani atuisut inuunerminni inissisimaffii aalajangersimasut aallaavigalugit ingerlaarfii tallimat pitsanngorsarneqassapput.</p> <p>Atuisut ingerlaarfiisa toqqarniarnerinut pisorta qarfiit attuumassutillit peqataatillugit aalajangerneqassapput.</p> <p>Anguniagaavoq atuisut pisariitsumik pissusissamisoortumillu aqqutissarsiuunnissaat:</p> <ul style="list-style-type: none"> <li>- Paasissutissat pissarsiariumasatit</li> <li>pissarsiarisinnaassavaat</li> <li>- Pisorta qarfiit attuumassutillit takusinnaassavaat</li> <li>- Imminut kiffartuussiviit atugassatik</li> <li>nassaa risinnaassavaat</li> </ul> <p>Pisorta qarfinnut ingerlaavartumik ilitersuusiortoqartassaaq, tassanilu tekniskimik aaqqiissuussani atuisut ingerlaarfissai eqqarsaatigineqareertassapput.</p> <p>Suliniut Digitalinngortitsinermut Aqutsisoqarfimmit akisussaaffigineqarpoq.</p> |

## Sullissivik.gl

| ID    | Anguniarneqartoq                                             | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                             |
|-------|--------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 4 . b | Sullissivik.gl-imi atuisut ingerlaarfiinik atuutsitsilerneq. | <p>Misissuinnermit paasisat aallaavigalugit sullissivik.gl-imi atuisut ingerlaarfii atuutinneqalissapput.</p> <p>Taamaaliornissamut ilaatigut tekniskimik ineriartortitsineq pisariaqartinneqassaaq, tassungalu pisortaqarfiit attuumassutillit suleqatigineqassapput.</p> <p>Suliniut Digitalinngortitsinermut Aqutsisoqarfimmit akisussaaffigineqarpoq.</p>                                                                                                                                                                                                                                                                                                                                                                                             |
| 4 . c | Uanga quppernera – innuttaasoq ineriartortinneqassaaq.       | <p>Uanga Quppernerami pisortaqarfinnit paasissutissat pigineqartut takuneqarsinnaapput, soorlu akileraartarnermut attuumassusillit, akiitsut assigisaallu.</p>                                                                                                                                                                                                                                                                                                                                                                                                                                                                                                                                                                                            |
| 4 . d | Uanga quppernera app-i misissorneqassaaq.                    | <p>Pingaaruteqarpoq sullissivik.gl-ip ineriartortittuaannarnissaa, taamaallilluni innuttaasut ilisimassavaat sumi inissimasoqarnersoq.</p> <p>Tabletit smartphonellu innuttaasut inuunerannut ilaaneruleraluttuinnarput siunertaavorlu digitalimik imminut sullinnissamut periarfissat sullissivik.gl-imiittut aamma ineriartortinneqassasut.</p> <p>Uanga quppernera atorlugu, tamanna ingerlanneqarsinnaavoq, tassanimi innuttaasut ataasiakkaat pillugit paasissutissat iserfigineqarsinnaammata. Uanga quppernerami app-inngornissaanut suut periarfissaassanersut, takorluugaanersut saqqummernissaanullu minnerpaamik piumasaqaatissat misissorneqassapput.</p> <p>Suliassaq Digitalinngortitsinermut Aqutsisoqarfimmit akisussaaffigineqarpoq.</p> |

## Sullissivik.gl

| ID    | Anguniarneqartoq                               | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                |
|-------|------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 4 . e | Uanga quppenera app-i ineri-artortinneqassaaq. | <p>Ineriartortitsinermi ineriartortinneqassaaq atulersinne-qassallunilu Uanga Quppernera app-i, tassani pin-gaarnerusut pilersinneqassallutik.</p> <p>Suliassaq Digitalinngortitsinermit Aqutsisoqarfimmit akisussaaffigineqarpoq.</p>                                                                                                                                                                                                                                                                                                                                                                                                                                                                                                       |
| 4 . f | Uanga suliffeqarfiutiga pillugu misissuineq.   | <p>Periusissiap siuliani sullissivik.gl-ikkut suliffeqarfiit pisortaqarfiit inuussutissarsiutilinnut nittartakkatigut digitalimik aaqqiissutaasinnaasunik periarfissaqalerput. Pisortaqarfiit suliffeqarfiit pillugit paasissutissanik peqaqaat, taakkualu atorluarneqarsinnaapput.</p> <p>Sulianik aalajangiiffissalinni ingerlatsinermi ersarinnerusumik ingerlatsisoqalernissaa anguniagaavoq, kiisalu suliffeqarfik pillugu pisortaqarfiit paasissutissanik sunik peqarnersut takuneqarsinnaassalluni. Misissuinermit pisortaqarfiit suliffeqarfiillu naatsorsuutigisaat kiisalu Uanga suliffeqarfiutigamut piumasaqaataasut inissinneqassapput.</p> <p>Suliassaq Digitalinngortitsinermit Aqutsisoqarfimmit akisussaaffigineqarpoq.</p> |
| 4 . g | Uanga suliffeqarfiutiga inerisarneqassaaq.     | <p>Misissuinermit paasisat aallaavigalugit periarfissatut pingaarnersiutigineqartut periarfissaalersillugit Uanga suliffeqarfiutima quppenera suliarineqarlunilu saqqummersinneqassaaq.</p> <p>Suliniut Digitalinngortitsinermit Aqutsisoqarfimmit akisussaaffigineqarpoq.</p>                                                                                                                                                                                                                                                                                                                                                                                                                                                               |

## Digitalimik peqataatitsineq

| ID    | Anguniarneqartoq                                                                    | Akisussaaffik                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
|-------|-------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 5 . a | Kalaallit Nunaanni digitalimik peqataatitsinissamut tunngavissat malittarisassallu. | <p>Digitalimik peqataatitsineq MR-DIGITAL-imi EU-milu pingaartinneqartorujussuuvoq.</p> <p>MR-DIGITAL-imi suleqatigiinnermi nunat avannarliit baltiskiusunillu innuttaasoqartut arlaannik peqquteqarlutik digitalimik aaqqiissutinik atuinngitsunik paasineqarpoq. Taakkualu tassaapput innuttaasut utoqqaat arlaatigulluunniit piginnaanikinnerusut, nunasisut ilaat kiisalu inuusuttut inersimasullu. Suleqatigiissitami aamma paasineqarput nunat tamarmik immikkuullarissumik digitalimik peqataatitsinissamut unammilligassaqartut.</p> <p>Misissuineq aallaavigalugu Kalaallit Nunaanni digitalimik peqataatitsinissamut unammilligassat misissorneqassapput, tunngavissineqassallunilu Kalaallit Nunaanni anguniagassatut inissinissaq.</p> <p>Suliniut Digitalinngortitsinermut Aqutsisoqarfimmit akisussaaffigineqarpoq.</p> |
| 5 . b | Kalaallit Nunaanni nittartagaq iserfigineqariaannaasoq pillugu periusissiaq.        | <p>EU-mi inatsisinut nittartakkat iserfigineqariaannaasut ilaapput, tassanilu digitalimik aaqqiissutit atortui pillugit assigiinngitsunik piumasaqaateqarpoq, soorlu innuttaasut qalipaatinik takunnissinnaanngitsut isigiarsuttullu aaqqiissutinik atuisinnaanissaat pillugu.</p> <p>Inatsisitigut suliassaqaarfik una annertoorujussuuvoq, periusissiamilu ukkatarerusupparput Kalaallit Nunaanni qanoq iliorluta nukissat pigisagut atorlugit nittartakkat iserfigineqariaannaaneri pitsanngorsarsinnaanerigut, tassanilu aamma nittartakkat iserfigineqariaannaanissaat pillugu angorusutagut qaffassarniassallutigut.</p> <p>Suliniut Digitalinngortitsinermut Aqutsisoqarfimmit akisussaaffigineqarpoq.</p>                                                                                                                     |







# Digitalinngortitsineq eqqarsaatigalugu kikkut sunik suliaqassappat?

**Pisortat Digitalinngorsaanermik Aqutsisoqatigiivi /  
Fælles Offentlig Digital Porteføljestyregruppe**

Nuna tamakkerlugu digitalinngortitsinermut periusissiornermi anguniarneqartut aningaasanut inatsimmi kontomit 10.98.02 – Nuna tamakkerlugu digitalinngortitsinermut periusissiamik atuutilersitsinermi aningaasalersorneqassapput.

Pisortat Digitalinngorsaanermik Aqutsisoqatigiivi - Det fælles offentlige porteføljestyregruppe (PDA), nuna tamakkerlugu digitalinngortitsinermut periusissiami anguniarneqartunut aningaasaliisuvoq. Suliniutit ataasiakkaat allatut aningaasalersorneqassapput.

PDA ukiumut ataasiarlutik Naalakkersuisunut aammalu Aningaasaqarnermut Akileraartarnermullu Ataatsimiitsitaliamut periusissiami anguniarneqartut killiffii pillugit nalunaarusiortassapput.



### **Digitalinngortitsinermut Aqutsisoqarfik**

Digitalinngortitsinermut Aqutsisoqarfiup nuna tamakkerlugu digitalimik aaqqiissutit ingerlatarei:

- PITU
- NemKonto
- NemID/MitID
- Digitalimik pisortanit allagarsisarneq
- Tunngaviumik paasissutissanut programmi, paasissutissanik ingerlatsissut ilanngullugu

Aqutsisoqarfittut nuna tamakkerlugu pisortaqaarfiit paasissutissatigit nittartakkatigit sillimaniarneq suliarisaraarput. Tamanna isumaqarpoq innuttaasut, suliffeqaarfiit pisortaqaarfiillu paasissutissatigit nittartakkatigit sillimaniarnissaannut tunngasunik siunnersuillutalu paasissutissiisartugut.

Digitalinngortitsinermut Aqutsisoqarfimmit qitiusumik allattoqarfiup serveriani attaveqaataanillu ingerlatsivugut. Tassani naalakkersuisoqarfiit naalakkersuisoqarfiillu ataaniittut immikkoortortaqaarfiit tamaasa sullitaraagut.

Taakkua saniatigit Aqutsisoqarfittut ataani allassimasut aamma suliaaraagut:

- Sullissivik.gl-imik ineriartortitsineq ingerlatsinerlu, taakkuali ingerlappagut digitalimik attaveqarneq, digitalimik aaqqiissutit nittartakkatigoortut aammalu databasemik ingerlatsineq ineriartortitsinerlu pillugit siunnersuinitta saniatigit.
- Nuna tamakkerlugu digitalinngortitsinermut suliniutit nuna tamakkerlugu digitalinngortitsinermut periusissiami allagaasimasut malillugit suliaqarneq aammalu IT-qarnermi sulianik ingerlatsineq aammalu pisortaqaarfinni ataatsimut suliniutinik ingerlatseriaaseq pillugu siunnersuineq.
- Qitiusumik allattoqarfimmi IT-qarnermi pisianik akuersineq aammalu IT-qarnermi isumaqatigiissutit pillugit siunnersuineq kiisalu pilersuisunik aqutsineq.
- Paasissutissanik nuussineq paasissutissanillu suliaqarneq pillugu siunnersuineq isumaqatigiissutinillu isumaqatiginninniarneq.

### **Inussuk IT**

Inussuk IT immikkoortortaqaarfiuvoq aningaasaqarnermut sulisoqarnermullu tunngatillugu systememik qitiusumik allattoqarfimmi kommuuninilu atornerqartunik ingerlatsisusoq. Tassani pineqartut tassaapput aningaasaqarnermut systemi, akissarsitsineri systemi, sulisoqarnermi systemi, sulisimanermut nalunaarsuiffik kiisalu sulisussat pilersaarusiernerannut systemi. Aningaasaqarnermut systemi ingerlavoq, sulisoqarnermullu atortut allat maanna atuutsikkiartuaarneqarlutik. Ukiuni tulluuttuni tulleriaarlutik ingerlatsinermut nuukkiartuaassapput.

### **Kommuunit**

Kommuunit namminneerlutik serveritik attaveqaatitillu ingerlataat, IT-qarnermullu atortunik pigineqataasuupput taakkualu Inussuk-IT-ip aqutarai. Taakkua saniatigit kommuunit namminneerlutik digitalimut periusissianik, suliniutinik digitalimillu aaqqiissutininik innuttaasunut atuuttussanik ineriartortitsillutillu ingerlataqartarput.



### **Center for Cybersikkerhed**

Center for Cybersikkerhed pillugu inatsimmi allassimasut aallaavigalugit inuiaqatigiinni pisorta qarfiit pisariaqartinneqartut Center for Cybersikkerhedip sullissiviannut peqataasinnaapput. Tassani attaveqaatit ingerlaarfii nakkutigineqartarput kiisalu pisorta qarfiit suliffeqarfiilluunniit IT-kkut sillimaniarnermi aaqqissuussaannerat misissorneqarsinnaalluni.

Nittartakkatigut saassussisoqassagaluarpas centeri ilisimasatigut hackerillu kikkuneranni misissuinerimi ikiuussinnaapput. Digitalinngortitsinermit Aqutsisoqarfiup Center for Cybersikkerhed 2022-mi suleqatigiinnissamut isumaqatigiissuteqarfigai, tassanilu ilaatigut siunnersuineq ilinniartitsinerlu isumaqatigiissutigineqarput.

### **Politiit Isertortumik Paasiniaasartui**

Politiit Isertortumik Paasiniaasartui (PET) naalagaaffiup isertortumik sillimaniarnermilu paasiniaasartorai. Ukiuni kingullerni PET-ikkut Kalaallit Nunaanniinnerulernikuupput tassanilu siunnersuinikkut paasissutissat illersorneqartarneri ukkatarineqarlutik, aammali peruserineqartut ajunnginnersut isiginiarneqarlutik.





Digitalinngortitsinermut  
Aqutsisoqarfik